



მენორა

გამოდის
1993 წლის
მარტიდან

დამოუკიდებელი ებრაული გაზეთი საქართველოში

„MENORA“ INDEPENDENT JEWISH NEWSPAPER IN GEORGIA

מנורה

„МЕНОРА“ НЕЗАВИСИМАЯ ЕВРЕЙСКАЯ ГАЗЕТА В ГРУЗИИ

მანისი
(სი3ან6ი)
№6 (466)
(5780)
2020

“מנורה”
עיתון יהודי
בגוריה

29-30 მაისი – შაკუთი – 3332 წლის წინათ სინაის მთაზე
ღვთისეულ მცნებათა მიღების დღესასწაული.

ბ ე ხ უ კ ო თ ა ი

3. თუ ივლით ჩემი წესდებით და დაიცავთ ჩემს მცნებებს და აღასრულებთ მათ,

4. თავის დროზე მოგცემთ წვიმებს და მიწაც მოგცემთ თავის მოსავალს, მინდვრის ხე გამოსცემს თავის ნაყოფს.

5. თქვენთან კალოობა რთველს დაეწევა და რთველი დაეწევა თესვას, თქვენს პურს შეჭამთ მაძღრისად, თქვენს ქვეყანაში იცხოვრებთ მშვიდად.

6. ქვეყანაში დავამყარებ მშვიდობას: დაწვებით და შემშფოთებელი არ გეყოლებათ. ქვეყნიდან განვდევნი მძვინვარე მხეცებს და მახვილი არ გაივლის თქვენს ქვეყანაში.

7. დაედევნებით თქვენს მტრებს და მახვილით დაეცემიან თქვენს წინაშე.

8. ასს განდევნის ხუთი თქვენგანი და ასი თქვენგანი ათი ათასს. მახვილით დაეცემიან თქვენი მტრები თქვენს წინაშე.

9. მოვიხედავ თქვენკენ და მოგაშენებთ, გაგამრავლებთ და აღვასრულებ ჩემს აღთქმას თქვენთან.

10. შეჭამთ ძველისძველს და ახლის წინაშე გამოიტანთ ძველს.

11. ჩემს სავანეს თქვენს წიაღში დავიდებ და არ შეგიზიზღებთ ჩემი სული თქვენ.

12. ვივლი თქვენს შორის და ვიქნები თქვენი ღმერთი, თქვენ კი ჩემი ხალხი იქნებით.

13. მე ვარ უფალი, თქვენი ღმერთი, რომელმაც ეგვიპტის ქვეყნიდან გამოგიყვანეთ, რათა არ ყოფილიყავით იქ მონებად: დავამსხვრიე თქვენი უღლის ძვლები და შემართულნი წამოგიყვანეთ.

14. თუ არ მომისმენთ და არ აღასრულებთ მთელ ამ მცნებებს,

15. თუ ჩემს წესებს შეიზიზღებთ, თუ ჩემს სამართალს შეიძულდებთ თქვენი სული, რათა არ აღასრულოთ მთელი ჩემი მცნებანი და დაარღვევთ ჩემს აღთქმას,

16. მაშინ ამას ვიქმ თქვენთან: მოგივლენთ თქვენ თავზარს, ჭლექსა და ციებ-ციხელებას, თვალთა მიბნედილობას და სულის შეღონებას. ამაოდ დათესავთ თქვენს თესლს, რამეთუ თქვენი მტრები შეჭამენ მას.

17. მოვიბრუნებ ჩემს სახეს თქვენკენ და განიგმირებით თქვენს მტერთა წინაშე და თქვენი მოძულენი იბატონებენ თქვენზე: გაიქცევით, თუმც მღვენელი არ გეყოლებათ.

18. და თუ მაინც არ მომისმენთ, შვიდგზის მოგიმატებთ სასჯელს თქვენი ცოდვებისათვის.

19. შევმუსრაე თქვენი ძლევა მოსილლების ამპარტავნობას, რკინად ვაქცევ თქვენს ცას და თქვენს მიწას — სპილენძად.

20. ფუჭად გამოილევა თქვენი ძალა, არ მოგცემთ თქვენ მიწა თავის მოსავალს და ქვეყნის ხეხილი აღარ გამოსცემს თავის ნაყოფს.

21. თუ ჯიბრით ივლით ჩემთან და არ ინებებთ ჩემს მოსმენას, შვიდგზის მოგიმატებთ თქვენ მუსვრას თქვენი ცოდვებისათვის.

22. მოგიხედავთ გარეულ მხეცებს და შევილმოკლულად გარდაგაქცევინ: გაგიწყვეტენ პირუტყვს, თქვენც შეგამცირებენ და გაუკაცრიელდება თქვენი გზები.



ებრაული ენიდან თარგმნა შალომ დავიდა (დავითაშვილმა)

ისრაელის უშიშროების სამსახურის მესვეური იცხაკ ილანი – ავთანდილ ჭიჭუაშვილი: დიახ, ეს ოპერაცია მე დავგეგმე და აღვასრულე კიდეც.

„არიან დამიანები, რომლებმაც დიდხანს უნდა იცოცხლონ მხოლოდ იმიტომ, რომ უიმათოდ ხალხი კარგად ვერ იქნება“, უთქვამს ბრძენკაცს.

კიდევ ერთხელ დავრწმუნდი: რამდენადაც დიდია ადამიანი პიროვნულად, ყოფაში მით უფრო უბრალო და თავმდაბალია. ჩვენი ამჟამინდელი რესპოდენტი გახლავთ ისრაელის უსაფრთხოების სამსახურის — „შაბაქის“ უფროსის მოადგილე, კონტრდაზვერვის ვეტერანი, ტერორიზმის საგამომძიებო დეპარტამენტის უფროსი, იცხაკ ილანი.

იცხაკ ილანი თანამედროვე ისრაელის ცხოვრებაში იმითაც გახლავთ გამორჩეული, რომ თავისი საზრიანი, დაკვირვებული შრომით მრავალი ტერაქტი ააცილა სახელმწიფოს. ეს კი იმას ნიშნავს, რომ მრავალი ადამიანის სიცოცხლე იხსნა — ძალიან ბევრ ისრაელელს აარიდა ტერორისტის მზაკვრული ზრახვა.

და ასევე ძალიან მნიშვნელოვანი: იცხაკ ილანის მეთაურობით უამრავმა ტერორისტმა მიიღო ის, რასაც ადამიანთა სისხლისმღვრელი იმსახურებენ — ზოგი გაუგებელყოფილი იქნა, ზოგი ისრაელის საპრობლემათა, ზოგიც გადმოიბირეს და ტერორთან მებრძოლთა რიგებში ჩადგა.

სურამელი ავთანდილ ნინუაშვილი, დღეს კი იცხაკ ილანი დიდებული წინაპრების შთამომავალია. იგი სიამაყით მიაშობს სახელოვანი პაპების თაობაზე, სიამოვნებს იმაზე საუბარს, თუ „ვისი გორისაა“. ქარელელ პაპას — აპარონ ნინუაშვილს — მამის მხრიდან, ცოლად შეურთავს ცხინვალელი, პირმშვენიერი მალქა კრიხელი. იცხაკის დედის მამა, ცხინვალელი ხახამ გაბრიელ დავარაშვილი, სურამელ ნაომი ჯანაშვილზე დაქორწინებულა. ანგანსვენებულ რაბი გაბრიელს, იუდაიკაში კლასიკური განათლება ლიტვანში დიდ ხაიმ შალევი სოლოვეიჩიკთან მიუღია — საქართველოში დაბრუნებისთანავე სურამში მთავარ რაბინად გაუგზავნიან. გარდა იმისა, რომ ჯამაათის სულიერი მეთაური გახლდათ, შოხეტისა და მოელის ფუნქციებსაც ასრულებდა, ატარებდა საქორწინო და სამგლოვიარო ცერემონიებსა და რიტუალებს. მისი ძმა — მოშე შაკატანი, ქუთაისის რაბინი გახლდათ. კიდევ ერთი ძმა, იაკობ დავარაშვილი, 70-იან წლებში საქართველოს მთავარი რაბინი იყო, მათი ძმა — მიხაელი 100 წლის წინათ, 1920-ში დასახლებულა იერუსალიმში.

პატარა ავთო (ასე ეძახდნენ მას სკოლაში), სურამის პირველ საშუალო სკოლაში სწავლობდა. წარჩინებული მოსწავლე, საუკეთესოდ გახლდათ მომზადებული და თბილისის კომაროვის სახ. ფიზიკა-მათემატიკის ნიჭიერთა ათნლედში ჩაირიცხა. თავისი სიბეჯითისა და მიზანსწრაფულობის წყალობით, თანატოლებს აქაც უსწრებდა. სკოლა ოქროს მედალზე დაამთავრა და იმავე ზაფხულს — 1973 წელს, 17 წლის ჭაბუკი ოჯახთან ერთად ამოვიდა ისრაელში. საქართველოში გატარებულ ბავშვობას იგონებს, როგორც უღრუბლოსა და ლალს. მეტად ცნობისმოყვარე ბაჭუნა ყოფილა. ასაკისთვის შეუფერებელი საკითხები აინტერესებდა, რისთვისაც თურმე პაპა „ჩეკისტს“ ეძახდა. მაშინ კარგად არ იცოდა, რას ნიშნავდა ეს სიტყვა და სწყინდა კიდეც. პაპის შერქმეულისახელი გარკვეულწილად, წინასწარმეტყველურიც გამოდგა.

იმთავითვე უყვარდა დეტექტივების კითხვა. კონან დილის — შერლოკ ჰოლმსი რვა წლის ასაკში ლამის ზეპირად იცოდა. მომავალში თავის თავს მხოლოდ გამომძიებლად ხედავდა.

ლია კრიხელი: ბატონო იცხაკ, მიაშობთ გეთავა, თქვენი ალიისა და აბსორცის შესახებ — რა იყო ყველაზე რთული დასაძლევნი?

იცხაკ ილანი: ამოვედით ქიფურის ომის დაწყე-



ბამდე თვენახევრით ადრე. ხახამ გაბრიელის მთელი დიდი ოჯახით, ექვსი შვილითა და შვილიშვილებით, დავსახლდით იერუსალიმში, ნევე იაკობის უბანში. სამი ოჯახი ერთ ეზოში ვცხოვრობდით. დავინყე ივრითის სწავლა. არ გამჭირვებია, ორ თვეში უკვე ვლაპარაკობდი, მაგრამ რთულად ის მიმარჩნდა, რომ უფრო მალე მინდოდა ისრაელელი გავმხდარიყავი, რისთვისაც მარტო ენის ცოდნა არ კმაროდა. მათემატიკისა და ფიზიკის გამოცდები წარმატებით ჩავაბარე და ჩავირიცხე იერუსალიმის უნივერსიტეტის მათემატიკის ფაკულტეტზე.

ლ. კ: რამ განაპირობა ის გზა, რასაც თქვენ დაადექით, გარემომ, ქვეყნის მდგომარეობამ, თუ სისხლის ყივილი და პატრიოტიზმი ეთქმის?


ი.ი: იმისავის, რომ თავი სრულფასოვან მოქალაქედ მეგრძნო, მივატოვე სწავლა და ჯარში წავედი. ოფიცრობა მეწავდა, მაგრამ იქ ენის ცოდნის სხვა დონე მომეთხოვებოდა. ფარნის შუქზე სწავლაში ლამეებს ვათენებდი, და დავძლიე — შევეძელი სამხედრო პირისათვის მოთხოვნილების შესაბამისად მესწავლა. შეუძლებელია იმ სისარულის აღწერა, როცა თავად საჰაერო თავდაცვის გენერალმა, დავიდ ივრიმ მომანიჭა ეს ნოდება. როცა ჩემი გვარი წარმოსთქვა: „იცხაკ ნინუაშვილი“, დასძინა „შენი წარმომავლობა არ შეარცხვინო“. სახ-

ეზე ბედნიერების ღიმილი მომეფინა და სწორედ ეს კადრია აღბეჭდილი სურათზე, რომელიც საჰაერო ძალების ჟურნალში — „ბიტონ ხეილ ჰავირ“ გამოქვეყნდა. უკვე ოფიცე — რი, ჯარში, ვადაზე მეტს ვმსახურობდი. სამხედრო ვალმოხდისს მეწავდა უნივერსიტეტში გამეგრძელებინა სწავლა, მაგრამ მოხდა სრულიად მოულოდნელი, გაუთვალისწინებელი რამ — არ ვიცე, რა ვუნდო: შემთხვევითობა, თუ კანონზომიერება. დამირეკეს უშიშროების სამინისტროდან და შეხვედრა მთხოვეს. ეს შეხვედრა მნიშვნელოვანი, გადამწყვეტიც კი აღმოჩნდა ჩემს ცხოვრებაში — მთლიანად შეცვალა ჩემი გეგმები. მკითხეს, ვიცი, თუ არა რუსული ენა, წამაკითხეს და მათარგმნინეს ტექსტი, ჩემი ბიოგრაფია რუსულად მომაცოლეს და როცა დარწმუნდნენ, რომ ვიცოდი, გამომიცხადეს, შესაძლებელია „შაბაქში“, ანუ ისრაელის უშიშროების სისტემაში — საბჭოთა კავშირის წინააღმდეგ კონტრდაზვერვის განყოფილებაში მიგილოთ სამუშაოდო. რაღა თქმა უნდა, სისარულით გამოვეუცხადე თანხმობა, მაგრამ საბოლოო პასუხს რვა თვე ველოდი, ის შეხვედრა თითქმის გადამავინყდა კიდეც. ასე რომ, დავინყე მუშაობა იქ, სად მოხვედრასაც ბევრი სამხედრო პირი იოცნებებდა. მოგვიანებით შევიტყე, რომ იმ პერიოდში ეძებდნენ რუსულის მცოდნე რეპატრიანტს, ისიც არანაკლებ ათი წლის ჩამოსული უნდა ყოფილიყო. მე არ შევეფერებოდი ამ კრიტერიუმს, მაგრამ გამონაკლისი დაუშვეს სხვა პრიორეტიტების გამო.

ლ. კ: მაშინ ნინუაშვილი ვიყავიო. როცა გვარი შეიცვალეთ, რა მნიშვნელობა ჩადეთ ამ სიტყვაში, რომელიც ასე ლამაზად უღერს.

ი. ი: სამხედრო სამსახურისას ჩემი პოლის მეთაურმა მითხრა: „შენი გვარის წარმოთქმაზე, ლამის ენა მოვიტეხო, რა იქნება, გვარი რომ შეიცვალო და ყველას გაგვიადვილო?“. მამას შევეკითხე-მეთქი, ვუპასუხე. მამაჩემმა თანხმობა განმიცხადა. დავინყე შერჩევა სათანადო გვარისა, რომ შინაარსითაც ახლოს ყოფილიყო ორიგინალთან. ივრითზე ორნა-ირად გამოითქმება: ეც-არის ხე, ილან არის მსხმოიარე, ნაყოფის მომცემი ხე.

ლ. კ: მართლაც შესანიშნავია! თქვენი სამხედრო ცხოვრებიდან, წარმატებულად რომელ ოპერაციას მიიჩნევდით. თუ შეგიძლიათ რამდენიმე შემთხვევა დაასახელოთ.





ი.ი: სპეცსამსახურების მუშაობა მეტწილად გასაიდუმლოებულია. აქედან გამომდინარე, ბევრი რამის მოყოლა არ შემიძლია. თუცა, ის, რაც ძალიან გახმაურდა და ფართო საზოგადოებისთვის გახდა ცნობილი, გეტყვით: მე ვიყავი ამ ოპერაციის დამგეგმავი და ორგანიზატორიც. საქმე ეხება არხიტექტორის, იხია აიაშის ლიკვიდირებას. მას ბევრი ებრაელის სისხლით ჰქონდა ხელეხი დასავრები. მისი სახელი მსოფლიოში იყო ცნობილი და ეს ოპერაცია ამიტომ იწოდებოდა უნიკალურად. კარგად შევისწავლეთ იხია აიაშის ცხოვრების წესი: იგი არასდროს დადიოდა, ამიტომ მისი ადგილსამყოფელის მიგნება, ძალიან ძნელი იყო. დავადგინეთ, რომ სისტემატიურად ელაპარაკებოდა მამას. ჩვენ მოვახერხეთ მის ხელში მოხვედრილიყო მობილური ტელეფონი, რომელშიც მინი ყუმბარა იყო ჩამონტაჟებული. ტელეფონი მაშინ აფეთქდა, როცა მამას ელაპარაკებოდა. ჩვენი ჩანაფიქრი უტყუარი აღმოჩნდა.

სამხედრო მოსამსახურის „მომთაბარეობა“ არ ახალია, ძველია. მე დამნიშნეს „შაბაქის“ სამარის რეგიონის უფროსად. დანიშნულების ეს ფაქტი ჯერ კიდევ გათვითცნობიერებული არ მქონდა, თუ რა სიმაღლეს მივალნიე, რომ დაიწყო მეორე ინტიფადა (პალესტინური რევოლუცია). სამხედრო-წინააღმდეგობის სახლსა და ოჯახს მონყვეტილს, დღისა და ღამის შეგრძნებაც აღარ მქონდა, ისეთ რიტმში მიწვედა ბრძოლა ტერორისტებთან, რამეთუ მთელი პასუხისმგებლობა მე მეკისრებოდა, როგორც რეგიონის უფროსს. არ შემიძლია, არ ავლნიშნო კიდევ ერთი მნიშვნელოვანი ფაქტი ჩემი კარიერული ზრდისა: მე დამნიშნეს ისრაელის უშიშროების სააგენტოს საგამომძიებო განყოფილების უფროსად. როცა სიტყვით გამოვედი, ვთქვი, რომ ვერ წარმოვიდგენდი, თუ პაპის შერქმეული სახელი, „ჩეკისტი“ ასე გამართლდებოდა მეთქი. დროებით ამას დავჯერდეთ, მეტიც გამაჟღერების უფლება არა მაქვს, დანარჩენი დროს მივანდოთ, ამაზე ისტორია იტყვის.

ლ. კ: ისრაელი ერთ-ერთი წარმატებული ქვეყანაა მსოფლიოში. როგორ შეაფასებდით სპეცსამსახურების როლს ქვეყნის გაძლიერებისა და განვითარების საქმეში?

ი. ი: ამ მხრივ სპეცსამსახურებმა მეტად წონადი, მნიშვნელოვანი ფუნქცია შეასრულეს. „მოსადი“ და „შაბაქი“ ყველფერს აკეთებენ ქვეყნის უსფრთხოებისთვის, ამ ორგანიზაციების როლის გაუთვალისწინებლად წარმოუდგენელია ქვეყნის განვითარება. მოსახლეობას მაქსიმალურად უნდა ჰქონდეს სიმშვიდე, როგორც ეს შესაძლებელია ახლო აღმოსავლეთში მომძლავრებული ტერორიზმის პირობებში. ნიშანდობლივია ის ფაქტი, რომ როცა მეორე ინტიფადა ბოლომდე მივიყვანეთ და ამ ურთულეს ბრძოლაში გავიმარჯვეთ, უდიდესი ფინანსური კომპანიების ხელმძღვანელებმა, „შაბაქის“ მაშინდელ უფროსს, ავი დიხტერს, სიგელი გადასცეს ნიშნად იმისა, რომ ეს კომპანიები ვერაფერს გახდებოდნენ ქვეყნის შიგნით ჩვენი სამსახურების ძალისხმევით გარეშე. ისიც მინდა ავლნიშნო, რომ მოსახლეობის ზრდის ერთ-ერთი პირობა, სახელმწიფოებრივი უსაფრთხოებაა.

ბით, ცხოველებისაგან განსხვავებით, ადამიანმა იცის, რომ მისი მომავალი არის სიკვდილი. არისტოტელეს მიხედვით, ადამიანი საზოგადოებაში მიზანია, საზოგადოება გახადოს უკეთესი, როგორც თვითონ მიანია. იგი უნდა ეცადოს შეიტანოს დადებითი წვლილი, რომ საზოგადოება იყოს მდიდარი, აყვავებული, ჯანმრთელი, სამართლიანი და თანასწორუფლებიანი. ყველა ეს წინააღმდეგობის მოღვაწეობის სფეროში მიაღწიოს სრულყოფილებას.

ლ. კ: ბოლოდროინდელმა მოვლენებმა ცხადყოფს თქვენი უდრეკი ხსიათი. მე ვკულისხმობ თქვენს დაპირებებს მთავრობის მეთაურობის კანდიდატთან, ამჟამად ისრაელის თავდაცვის მინისტრთან — ბენი განცთან, არ გიჭირთ თქვენი პრინციპების დაცვა?

ი. ი: არ მიჭირს ვიყო საკუთარი პრინციპების დამცველი. მე მაქვს წითელი ხაზი, რომელსაც არასდროს არ გადავლახავ. შეილება იმას შთავაგონებ, რომ სარკეში შენ ორეულს თვალი



კარგად უნდა გაუსწორო, უნდა იყო მართალი საკუთარ თავთან. ბენი განცს ვიცნობ ოცი წელია: როცა სამარის „შაბაქის“ უფროსი გახლდით, ის დანიშნეს ბრიგადის უფროსად. საპარლამენტო არჩევნების წინ ბევრი შეხვედრა და საუბარი გვექონდა და საარჩევნო სიაში 39-ე ადგილზე შემიყვანა, მერე კი მოითხოვა 39-ე ადგილიდან 45-ეზე გადავსულიყავი, მე ეს წინადადება უსამართლოდ მივიჩნიე, რომელსაც არანირი გამართლება არა აქვს. გადავწყვიტე დამეტოვებინა ის პარტია, რომელსაც იგი ხელმძღვანელობს. არ მიღალატია არავისთვის, არ გადავსულვარ სხვა პარტიაში, თუმცაღა, ამის უამრავი საშუალება მქონდა. ჩემი ხმა არანაირი დიდებისთვის არ გამიყიდა. ბევრმა არ იცის, რომ არჩევნებამდე სამი დღით ადრე, ბენი განცმა ჩემთან შეხვედრა მოითხოვა, მოიხადა დიდი ბოდიში და პატიება მთხოვა. ჩემი პასუხი მარტივი და ურყევი იყო: მე ვაპატიებ, მაგრამ ვერ დავივწყებ იმ ზიანს, რაც შენი უღირსი საქციელით მომაცენე-მეთქი.

ლ. კ: ბევრი მეგობარი გყავთ? რას აფასებთ ადამიანებში?

ი. ი: შეიძლება ბევრს გაუკვირდეს კიდევ:

დღემდე ვმეგობრობ ჩემ სურამელ კლასელებთან, სამი მათგანი ისრაელშია, ერთი კი კანადაში ცხოვრობს. აქაც სტუდენტობისას ბევრი მეგობარი შევიძინე, მყავს მეგობრები ჯარიდან, პოლიციიდან, სადაც ძალიან ბევრს ვმუშაობდი. არც იურისტები, პოლიტიკოსები და ჟურნალისტები მაკლია. განვაახლე ჩემი კავშირი „კომაროვის სკოლის“ ამხანაგებთან. ასე, რომ მეგობრებით მდიდარი და ძლიერი ვარ. თუ რას ვაფასებ ადამიანებში, მოგახსენებთ: პირველ რიგში სამართლიანობას, პირიანობას და თავაზიანობას. ჰუმანურობას, სიბრძნესა და პროფესიონალიზმს.

ლ. კ: როგორ მიგაჩნიათ, ბედი მართავს ადამიანის ცხოვრებას, თუ ადამიანი მართავს თავის ბედს?

ი. ი: რთული და საინტერესო შეკითხვაა. როგორ გითხრათ, არც ბედი მართავს ადამიანს და არც ადამიანი თავის ბედს. ორივე ერთმანეთშია ჩანსულ-ჩაქსოვილი, ხან შენ ხარ საჭესთან, ხანაც მორჩილად მიჰყვები ბედისწერას. ზოგჯერ ადამიანს ეძლევა შანსი და თუ ვერ გამოიყენა, ის ბედად ვერ გადაიქცევა. სხვა ვანმარტება არა მაქვს, ვერ გამოვეყოფ ცალ-ცალკე.

ლ. კ: როგორც ჩემთვის ცნობილია, თქვენ 31 წელი იმსახურეთ „შაბაქში“ და ახლაც საგამომძიებო საქმიანობას ეწეით. რას მეტყვით ამის თაობაზე?

ი. ი: გამომძიების საქმეში, მართლაც დიდი გამოცდილება მივიღე. „შაბაქი“ ვიდრე ოპერაციას დაგეგმავს, ძირეულად უნდა გამოიძიოს ობიექტი, პროვინება, ეს თუ ორგანიზაცია. პოლიციაშიც ამ პროფილით ვმსახურობდი და გადავწყვიტე გამოვიძიო ის სისხლის სამართლის საქმეები, რომლებიც მიმანია, რომ არ იყო პროფესიულ დონეზე ჩატარებული, ან ზერეულდ იყო წარმართული. საილუსტრაციოდ რომან ზადოროვის მაგალითიც იკმარებდა. იგი დადანიშნულია თაირ რადას მკვლელობაში. ხელახლა გამოვიძიე რა ეს საქმე, მივედი იმ დასკვნამდე, რომ მას არ მოუკლავს რაღა. მე ვცდილობ დავუმტკიცო ყველას, რომ ზადოროვის აღიარება არის იძულებითი. ამის მსგავსად ორ-სამ მსჯავრ-დადებულს ვიძიებ, რომელთაც სამუდამო პატიმრობა აქვთ მისჯილი. ამჟამად ვარ გენერალური დირექტორი კომპანიის ოლდინგ ომპანი. იმავდროულად ვატარებ ლექციებს სხვადასხვა თემზე. ამასთან ვითავსებ ფირმების დირექტორთა საბჭოს თავმჯდომარეობასა და ნევრობას ისრაელსა და უცხოეთში.

ლ. კ: შეიძლება ბოლოსთვის არ უნდა შემოგვენახა თქვენი ოჯახის საკითხი. ივრითზე ლამაზადაა ნათქვამი: „ახარონ, ახარონ ხავივ“ ანუ ნაპოლარა გატკბილდებისო. რას მეტყვოდით?

ი. ი: მყავს სათნო და ერთგული მეუღლე — ლალი (ლეა) მოშიაშვილი, იგი სოხუმიდან 7 წლის ამოვიდა. ალვზარდეთ სამი შვილი: უფროსი ვაჟი, იონათანი და ოჯახზეულია, ყავს სამი შვილი. მსახურობს ისრაელის პოლიციაში — კერძოდ სტრატეგიული შტაბის უფროსია მთელი ქვეყნის მასშტაბით. მაგისტრატურა დაამთავრა გეოგრაფიასა და გარემოს დაცვის სფეროში. დოქტორატზე მუშაობს თელ-ავივის უნივერსიტეტში. მეამაყება, რომ სულ ახალახან მიიღო წარჩინების სიგელი კორონავირუსთან ბრძოლის მეთოდებში. ქალიშვილი — შარონა, ახლდაქორწინებულია. ბაკალავრიატი დაამთავრა კომუნიკაციებისა და მართვის ფაკულტეტზე. პოლიკლინიკების ქსელში „ქლალით“ არის პასუხისმგებელი პიარ-მენეჯერი. უმცროსი ვაჟი, გაბრიელი, მსახურობს შორაკის ატომური რეაქტორის ცენტრში გამოთვლითი პროგრამების განყოფილებაში. ჩემი სამი შვილიშვილი, ნამდვილად გვმატებენ სიცოცხლეს.

იცხაკ ილანი ის ადამიანი, რომლის გმირობას ნიგინც რომ მიეძღვნას, უპრიანი. ერთ საგანზეო სტატიამი ყველაფერს ვერ ჩავტევ, ის კი ვიცი, რომ მისი სახელი ოქროს ასოებით შევა არა მხოლოდ საქართველოს ებრაელთა, არამედ ისრაელის ისტორიაში, როგორც ტერორისტების მეხი და დაუძინებელი მტერი. კაცი, რომელზეც ზედგამოჭრილია გამოთქმა: „ვინც სიმართლეს უხეშად მოეპყრობა, შემდგომში მას სიცრუე დაჯაბნის“.

